

Ariketak103

ADMINISTRAZIOA
EUSKARAZ


I. Aukera ezazu hitz egokia Euskaltzaindiaren *Hiztegi Batua* kontuan hartuz:

1. Azterketaren batean izen, abizen edo bestelako identifikazio-daturik badago, azterketa hori _____ egingo da.
a) baliogabetu
b) anulatu
2. Gezurrak _____ erabiltzen dira politikan, herritarrak manipulatu eta bereganatzeko.
a) arduraki
b) maiz
3. Herri _____ kezka gero eta handiagoa da ingurumenaren alorrean.
a) administrazioaren
b) arduralaritzaren
4. Haurren heziketa batez ere gurasoen _____ da, ez eskolarena.
a) ardurapena
b) ardura
5. Erraz zeukan; _____ heldu ez balio, Mikelek irabaziko zuen lasterketa.
a) areak
b) bareak
6. Atertzen ez badu, nekazariak ezin izango dute lurra _____.
a) aratu
b) areatu
7. Jatetxe horretan gozo prestatzen dituzte _____ ardo beltzetan errege-sagar errearekin.
a) aretze-masailak
b) aratxe-masailak
8. Gaur eguneko eredu estetikoa argaltasuna denez, gero eta nerabe gehiago dago _____ jota.
a) argaleriak
b) argalkeriak
9. Gaur gauean, mende honetako ilargi _____ luzeena ikusi ahal izango da.
a) eklipserik
b) argerik
10. Jokalari _____ bi astez jokatu gabe egongo da aurreko igandeko partidaren epailea iraintzeagatik.
a) argentinoak
b) argentinarrak

IVAP
HERRI ARDURALARITZAREN
EUSKAL ERAKUNDEA



2. Bete ondorengo esaldiak honako hitz hauekin:



1. Obrak irauten duten bitartean, eta kontratuko berme-epea bete arte, kontratista da eraikuntzan ager daitezkeen akats guztien _____.
2. Estatutuetan berariaz aipatzen da gizarte-hezitzailearen lanbidearen _____ profesionalen arteko lehia askearen araubidearen bidez gauzatuko dela.
3. Estatuko Boluntarioritza Kongresuaren antolatzaile gisa, Familia eta Komunitate Zuzendaritzari _____ zaio Batzorde horren presidenteorde izatea.
4. Programa honek jasotzen dituen laguntzek ez dute Europar Batasuneko lehia-arauekin _____ egiten ez baitira estatu-laguntzatzat jotzen.
5. Izapideak egin ondoren, salaketa gurutzatuak zeudenez, Epaitegiak _____ judiziala baliatzea eskatu die aldeei, baina ez da akordioa lortu.
6. Zuzendaritza-taldeak erabaki behar du prestakuntza-ekintzetarako ordua, aurreikusitako helburuak betetzeko onartutako _____ horren arabera.
7. Webgune honetan ez da *cookie*rik erabiliko informazio pertsonala biltzeko. *Cookie*ak erabiltzea baimendu edo _____ dezakezu, baita haien konfigurazioa aldatu ere.
8. Merkataritzan eta ostalaritzan euskara sustatzeko kanpaina _____ du Donostiako Udalak.
9. Batez besteko soldatak 100 euro inguruko igoera izan du aurreko urteekiko, eta lehen aldiz gaingitu du 1.000 euroko _____.
10. Enpresako langileek urteko lanaldia murriztu ahal izango dute hamabi urtetik beherako adingabeak edo jardura ordaindurik egiten ez duten _____ desgaituak zaintzeagatik.
11. Gizarteak zenbat eta informazio gehiago izan, orduan eta gehiago gaitzesten du indarkeria; hortaz, komunikabideen zeregina funtsezkoa da gizartean genero-indarkeriaren gaitzespena _____ dadin.
12. _____ nagusia da Euskal administrazioek sortzen dituzten eta herritarren interesekoak diren datu publiko irekien erabilera sustatzea.

3. Hobetu testua, beheko koadroetan aipatutako irizpideak aintzat hartuta:

Eusko Jaurlaritzaren Osasun eta Kontsumo Sailak eta Osakidetza sistema berri bat jarri dute abian; abantaila asko dituela nabarmentzen dute, bai herritarrentzat bai osasun langileentzat: errezeta elektronikoa edo e-rezeta sistema.

Sistema berriak akatsak ekiditen ditu, automatikoki ohartarazten baitu botiken arteko interakzioez. Horrez gain, botiken erabilera iraunkorragoa lortzen da, baita etxeetan botiken metaketa eta iraungitako botikek sor ditzaketen arazoak saihestea ere. Gainera, Administrazio-lan batzuk egin beharko ez dituztenez, osasun-profesionalek denbora gehiago izango dute bere mediku- eta farmazia-jardueretan aritzeko. Eta zer esanik ez, Osakidetzako eta farmazietako osasun-profesional guztien koordinazioa hobetuko du.

[illegible]

1. Irizpidea: Mezu nagusia ahalik eta gehien aurreratu. Irakurleak lehenbailehen jasoko du informazio garrantzitsuena.

INFORMAZIO GEHIAGO:
Komunikazio elektronikoa.
IVAPen gomendioak web-orriak
idazteko; Estilo atala, 139. or.
(IVAPeko Argitalpenen atalean
doako bertsio digitala)

2. Irizpidea: Erabili zerrendak paragrafo trinkoak arintzeko.

Informazioa errazago ulertzen da.

- Zerrendan hurrenkerak garrantzia badauka, zenbakiak erabili; bestela, erabili buletak.
- Aurkeztu zerrendak esaldi deskriptibo batez.
- Zerrenda laburrak egin (5-10 item artekoak).
- Zerrendak neurriz erabili. Egitura ber erabiltzeak asko astundu dezake testuen irakurketa.

- Zerrendan hurrenkerak garrantzia badauka, zenbakiak erabili; bestela, erabili buletak.
- Aurkeztu zerrendak esaldi deskriptibo batez.
- Zerrenda laburrak egin (5-10 item artekoak).
- Zerrendak neurriz erabili. Egitura bera erabiltzeak asko astundu dezake testuen irakurketa.

INFORMAZIO GEHIAGO:
Zerrendak I, II eta III (Administrazio hizkera argia bloga)

- I.
- | | |
|------|-------|
| 1. a | 6. a |
| 2. b | 7. b |
| 3. a | 8. b |
| 4. b | 9. a |
| 5. b | 10. b |

- 2.
1. Obrak irauten duten bitartean, eta kontratuko berme-epea bete arte, kontratista da eraikuntzan ager daitezkeen akats guztien **erantzule**.
 2. Estatutuetan berariaz aipatzen da gizarte-hezitzailearen lanbidearen **jarduna** profesionalen arteko lehia askearen araubidearen bidez gauzatuko dela.
 3. Estatuko Boluntariotza Kongresuaren antolatzaile gisa, Familia eta Komunitate Zuzendaritzari **egokitu** zaio Batzorde horren presidenteorde izatea.
 4. Programa honek jasotzen dituen laguntzek ez dute Europar Batasuneko lehia-arauekin **talka** egiten ez baitira estatu-laguntzat jotzen.
 5. Izapideak egin ondoren, salaketa gurutzatuak zeudenez, Epaitegiak **bitartekaritza** judiziala baliatzea eskatu die aldeei, baina ez da akordioa lortu.
 6. Zuzendaritza-taldeak erabaki behar du prestakuntza-ekintzetarako ordua, aurreikusitako helburuak betetzeko onartutako **egitasmo** horren arabera.
 7. Webgune honetan ez da **cookie** erabiliko informazio pertsonala biltzeko. *Cookie*ak erabiltzea baimendu edo **galarazi** dezakezu, baita haien konfigurazioa aldatu ere.
 8. Merkataritzan eta ostalaritzan euskara sustatzeko kanpaina **abiarazi** du Donostiako Udalak.
 9. Batez besteko soldatak 100 euro inguruko igoera izan du aurreko urteekiko, eta lehen aldiz gainditu du 1.000 euroko **langa**.
 10. Enpresako langileek urteko lanaldia murriztu ahal izango dute hamabi urtetik beherako adingabeak edo jardura ordaindurik egiten ez duten **ahaide** desgaituak zaintzeagatik.
 11. Gizarteak zenbat eta informazio gehiago izan, orduan eta gehiago gaitzesten du indarkeria; hortaz, komunikabideen zeregina funtsezkoa da gizartean genero-indarkeriaren gaitzespena **errotu** dadin.
 12. **Xede** nagusia da Euskal administrazioek sortzen dituzten eta herritarren interesekoak diren datu publiko irekien erabilera sustatzea.

3. Errezeta elektronikoa (e-rezeta sistema) jarri dute abian Eusko Jaurlaritzaren Osasun eta Kontsumo Sailak eta Osakidetzak.

Abantaila asko dituela nabarmentzen dute, bai herritarrentzat bai osasun langileentzat. Hona hemen horietako batzuk:

- Akatsak ekiditen ditu, automatikoki ohartarazten baitu botiken arteko interakzioez.
- Botiken erabilera iraunkorragoa lortzen da, baita etxeetan botiken metaketa eta iraungitako botikek sor ditzaketen arazoak saihestea ere.
- Administrazio-lan batzuk egin beharko ez dituztenez, osasun-profesionalek denbora gehiago izango dute beren mediku- eta farmazia-jardueretan aritzeko.
- Osakidetza eta farmazietako osasun-profesional guztien koordinazioa hobetuko du.

IVAP

HERRI ARDURALARITZAREN
EUSKAL ERAKUNDEA

